

Vahakelaxibalo va hlohloteriwa ku fikelela siku ro pfala ra nguva yo fayila

Tshwane, 9 Hukuri 2021 – Vukorhokeri bya Xibalo bya Afrika-Dzonga (SARS) byi tsakela ku tsundzuxa vahakelaxibalo vona vini lava nga riki va nkarhinyana ku fayila mitlheriso ya xibalo xa malinghena hi ti kumbe ku nga si fika siku ro pfala ra ti 23 Hukuri 2021.

Mixupulo yi ta hakerisiwa vahakelaxibalo lava tsandzekaku ku rhumela mitlheriso ya vona ya xibalo xa malinghena hi siku leri ro pfala.

Vahakelaxibalo va fanele va lemuka leswaku hi ku ya hi micinco eka milawu, SARS yi ta hakerisa mixupulo ku sukela hi ti 1 N'wendzamhala 2021 laha ntlheriso wun'we kumbe yo tala yi kayivelaka.

Loko ku nga se va na cinco eka nawu, SARS a yi hakerisa ntsena mixupulo laha mitlheriso mimbirhi kumbe yo hlaya yi kayivelaka. Nawu lowu wa khale wu ta tshama wu ri kona eka lembe rin'we ro engetelela eka 2020 na mitlheriso ya khalenyana.

Vahakelaxibalo lava amukeleke mihlahluvo leyi tiendlekelaka va lulamisa kumbe ku amukela mihlahluvo hi ti 23 Hukuri. Loko va nga endlile sweswi, va ta amukela nhlahluvo lowu pimanisiweke lowu swi nga kotekiki ku kanetiwa kumbe ku aphiliwa.

Hambiswiritano, muhakelaxibalo loyi a nga pfumelelaniki na nhlahluvo lowu pimanisiweke lowu humesiweke hi ti 23 Hukuri, va nga fayila ntlheriso wa xibalo lowu hetisekeke no lulama eka 40 wa masiku ma bindzu ma siku ra nhlahluvo lowu pimanisiweke.

Ntlheriso wolowo wu ta hlwela, leswi vulaka leswaku mixupulo ya ntlovelo na ntswalo swa rhumelo lowu hlweleke swi ta tirhisiwa (laha swi faneleke).

Khomixinara wa SARS Edward Kieswetter u vurile leswaku ku fayiliwa ka ntlheriso wa xibalo i xiboho xa xinawu eka vahakelaxibalo valavo lava lavekaka ku fayila no hoxa xandla eka ndhavuko wa nandzeleriso hi ntsakelo.

"Kambe ehenhla ka xilaveko xa xinawu xo fayila ntlheriso, vahakelaxibalo lava endlaka swa kahle va kotisa mfumo ku fikelela swilaveko swa vukorhokeri swa masungulo swa lava sweleke na khumbeka hi ku nyika midende na nhletelo wa swa vutshunguri exikarhi ka swin'wana."

Khomixinara u engeterile, "SARS va vekile tichanele ta xidijiti to hlaya leti engeteriweke leswintshwa leti kumekaka 24/7. Leswi swi ta pfuneta ku nyika nhlamuselo no endla swi olova eka vahakelaxibalo ku fikelela siku ro pfala ta ti 23 Hukuri handle ko tikeriwa. Tichanele leti ti katsa exikarhi ka tin'wana, SARS eFiling, SARS MobiApp na vukorhokeri bya SMS. Vuxokoxoko byo tala bya kumeka eka webusayiti ya SARS."

Vahakelaxibalo va nkarhinyana va na ku fikela ti 31 Sunguti 2022 ku fikelela swiboho swa vona hinkwaswo swo fayila.

Mayelana na vuxokoxoko, tihlanganise na SarsMedia@sars.gov.za